

ASOSIASHON DI MUSIKO

TA INFORMA

Skibi pa: Feco Gomes

Faranduleronan bon tardi. Bon fin di siman. Bastante aktivitat karnavalesko i bastante opservashonnan i kritikanan personal. Awe nos lo elabora riba algun topiko relashoná ku e ambiente di karnaval.

GRADISIMENTU

Manera nos a priminti siman pasá awe den un forma spesial nos kier manda un gradisimentu masha spesial pa e siguiente instansianan relashoná ku e eksitoso festival di tumba 1995.

- Gomes Enterprises, Pepsi Cola, Amstel Brouwerij, Winkel & Zonen, Heineken, Kodala, Servisio pa Asuntunan Kultural, Top Cat, C.D.M., Setel, Dollar Rent A Car, Dienst Arbeidszorg, Selikor, DOW, Holiday Beach Hotel, Maison Ruth, Xerox, Princess Beach Hotel, Pro Rent A Car, Medionan di publisidat.

Danki na bosnan tur, sin bosnan nos no por a logra.

BALOR DI NOS TUMBA

Nos a haña bastante reklamo ku nos tumba no ta hopi toká.

Nos kier hasi un apelashon riba nos gruponan musikal pa toka e tumba ganador i e otro tumbanan pa asina ei nos duna realse na nos festival di tumba.

Nos no tin nada kontra otro ritmonan, pero kòrda toka lokal ta di nos prome. Nos kier pidi nos musikonan tambe pa motiva e públiko, especialmente e hobennan pa no praktika bailenan vulgar.

Un piesa por ta bon, pero nos no mester mara bailamentu vulgar na un ke otro tema.

Laga nos usa nos influensia komo músiko pa eduká nos hubentut.

MENTE FRUSTRA

Nos ta sperando un grabashon di e programa Mas Lat awe mainta di Z-86 kaminda Erwin Kastaneer, supuestamente a baha su frustrashonnan riba miembronan di direktiva ku atakenan personal.

Ora nos skucha e contenido nos lo evaluá e siguiente paso.

Kisas ta e hecho ku na dos okashon ela keda rechasa pa miembresia ta pone ku e ta aktua asina?

Di tur manera ta bon pa un i tur sa ku nos no ta asepta ningun atake personal i sin base.

Nos ta sakrifkando hopi tempu den e organisashon aki i nos ta kontentu ku e mayoria grandi ta satisfecho.

25 AÑA R.K. CENTRAAL SCHOOLBESTUUR

Nos kier felisidat direktiva di skolnan katoliko, relashoná ku e di 5 lustro. Un pabien tambe na tur maestro i trahadornan den enseñansa katoliko.

E santo sakrifisio di misa djadumingu ultimo tabata impresionante.

Un biaha mas pabien.

GRABASHONAN DI KARNAVAL

Nos kier rekomendá un i tur pa kumpra e grabashonnan di karnaval ku tin riba merkado.

- 25 aña tumba di karnaval ku tur hit

- Grabashon di e 10 tumbanan ku a klasifiká mas altu e aña aki.

- Grabashon di tumbanan di Boy Dap.

- Grabashon di tumbanan di Hary Zimmerman.

INFORMASHON GENERAL

- Djadumingu awor ta marcha di mucha. Gruponan musikal ku ta miembro i ta liber tuma kontakto ku Curaçao Festival Center of Fundashon di Karnaval.

- Nos kier pidi tur grupo musikal pa djadumingu awor toka e tumba ganador hubenil i otro tumbanan hubenil, durante e marcha.



”A mi ta kere ku kada suidadano mester tin e desensia i e konsiensia siviko pa e sa kiko e ta hasi durante un fiesta nashonal di dje.

Diputado Behilia:

”Desensia i konsiensia siviko den fiesta nashonal

Ami ta kere ku si dado momentu nos ta negligishá nos propio kosnan ku nos a traha pa yega na dje pa otro, esei ta preokupami masha tantu mes.”

BAILAMENTU

”Pa loko ta trata e baile, ningun piesa no ta bini ku un indikashon kon hasi esaki pa bailamentu di e piesa. Ta e konsenshi di e suidadano teniendo kuenta ku moral ta de-

terminá kon abo ta balié. Bo por kue un bolero gewon i balié na un manera deshonesto; bo por kue kualquier guaracha i baila na un forma deshonesta. Ami ta bisa ku tur esakinan ta e indikashon ku ta bezig huntu ku hopi otro kos ku nos ta tendiendo ultimo tempu, ku ta mustra nos ku riba e tereno di moralidat kon leu nos ta bahando.”

Diputado Behilia

Gezaghebber Betrian:

”No por prohibi e piesa di toka”

”D en un pais demokratiko manera di nos bo no por prohibi un piesa. Nos mester traha riba moralidat di pueblo, ya ku si hinter e komunidad ta haña ku e piesa aki ta bon, anto ela kai na smak, anto supuestamente e ta banal, anto tin un kos robes ku komunidad. Bo mester bai traha riba edukashon di komunidad i su moralidat pa ei nan yega na regla i normanan ku nos tur konosé. Mi ta haña


ta sumamente robes ku e piesa ta birando roadmarch lagando e tumba ganadó un banda. Pero mi ta realisá na e mes un momentu ku mi no por stop’e. Mi ta kere ku Asosiasion di Musiko lo por bisa su miembronan ku e no ke pa nan toka e piesa aki den marcha di karnaval. Tambe nos por pidi radio emisoranan pa no toka e piesa aki, pero ku esaki mi no a solushoná e problema pasobra ta bini un otro boem boem ku tur hende ta gusta tòg. Bo tin ku bai



Gezaghebber Betrian

traha riba un otro base, esta kaminda ta bai papia kiko ta e moralidat di komunidad i e bailenan ku tin.”

Gezaghebber Betrian



Gibi Doran:

”Saka boem Saka boem ta e piesa mas popular”

momentunan aki i e petishon ta asina grandi pe i na moda di papia den jump up e piesa aki ta ser mas pidí. Sí mi ke mustra bon kla ku nos ta tokando e tumba ganador.

BAILAMENTU

”Tur banda na Kòrsou ta toka e piesa aki i ta keda na kada ken pa komportá nan mes manera debe ser, pasobra mi no ta kere ku e piesa aki ta traha ku ningun intenshon bulgar su tras. Te na ora mes ku e ta traha ku un intenshon bulgar, un hende mester tin respet pa su kurpa i mester sa kon e ta baila esaki. Gibi i su Orkesta lo sigui toka e piesa aki tan ten ku e ta hit. Meskos ku tur piesa den pasado ku tabata hit a haña nan chens di zona i pueblo a haña nan pa tende, e piesa aki tam-

be tin di haña un chens pa toka i mi no ta kere ku mester bai den ningun sentido pa stop di toka e piesa aki na radio o stop e bandanan di toka e piesa. Mi ta kere ku kada ken mester komportá nan mes bailando e piesa aki gewon. Djasabra ei nos a toka den un jump up i ta tin sentenares di hende ku a baila e piesa aki masha bunita. Ora di hit the floor, nan ta djies bik abou, tik suela den un

forma masha nechi. Pesei mi ta bisa ku tin yen di manera pa baila e piesa aki i pa kiko mester hasi esaki den un forma bulgar. E piesa no falta nada i e mester haña su chens di sigui zona normal.”

Gibi Doran